

**Akcioni plan
za borbu protiv korupcije
Vlade Bosansko – podrinjskog kantona Goražde
2016 – 2020.**

Maj, 2016. godine

Sadržaj

1. Uvod
2. Obuhvat akcionog plana na području Bosansko-podrinjskog kantona Goražde
3. Operativni plan Vlade Bosansko-podrinjskog kantona Goražde
4. Monitoring i koordinacija
5. Materijalno tehnička sredstva i podrška
6. Vrijeme i način izvršenja

1. Uvod

Zakon definira korupciju kao svaku zloupotrebu moći povjerene javnom službeniku ili licu na političkom položaju na državnom, entitetskom, kantonalnom nivou, nivou Brčko distrikta, gradskom ili općinskom nivou, koja može dovesti do privatne koristi.

Korupcija posebno može uključiti direktno ili indirektno zahtjevanje, nuđenje, davanje ili prihvatanje mita ili neke druge nedopuštene prednosti ili njenu mogućnost kojima se narušava odgovarajuće obavljanje bilo kakve dužnosti ili ponašanja očekivanih od primaoca mita.

Korupcija potiče od latinske riječi *corruptio* što u prevodu znači pokvarenost, kvarnost odnosno izopačenost.

Po nivou zastupljenosti korupciju možemo definisati kao političku ili korupciju na visokom nivou koja je prisutna među visokim državnim činovnicima i osobama koje imaju političku moć i sitnu ili administrativnu korupciju koja se odnosi na službenike zadužene za sprovođenje odluka i propisa.

Korupcija, kao ozbiljan problem savremenog svijeta, prisutna u različitim oblicima i razmjerama jedna je od glavnih prepreka ekonomskom, društvenom i demokratskom razvoju koja narušava legitimitet i ugled institucija vlasti.

Iako se korupcija može pojaviti u svakom dijelu društva, najštetnije posljedice ima korupcija u javnom sektoru, uključujući i nosioce javnih ovlaštenja. Obzirom da se javni sektor finansira sredstvima građana time je i dužnost ovog sektora da svojim primjerom pokaže spremnost za borbu protiv korupcije.

Najčešći oblici korupcije su:

- Podmićivanje – obećanje, ponuda ili davanje bilo kojih povlastica koje neprimjereno utiču na rad vlasti ili javnih službenika
- Pronevjera - krađa javnih sredstava od strane osobe kojoj je povjerno ovlaštenje i kontrola na istim
- Nepotizam- dodjeljivanje poslova ili beneficija članovima porodice
- Sukob interesa tzv. predvorje korupcije, situacija u kojoj su privatni interesi nosilaca vlasti ili činovnika u suprotnosti sa javnim interesom.

Uzimajući u obzir širinu pojava oblika korupcije možda je najbolja definicija Svjetske banke koja kaže da je korupcija svaka zloupotreba javnih ovlaštenja za privatnu korist.

Pristupanje Europskoj uniji strateški je prioritet Bosne i Hercegovine. Budući da se borbi protiv korupcije posvećuje pažnja već u ranoj fazi procesa pristupanja Europskoj uniji, a da se otvaranje odgovarajućih poglavlja temelji na uvjerljivim rezultatima, BiH treba pokazati odlučnost u preduzimanju konkretnih, sveobuhvatnih i održivih aktivnosti na suprotstavljanju korupcijskim praksama.

Svjesni rizika i opasnosti od korupcije, strateških prioriteta i reformskih procesa, Vlada Bosansko-podrinjskog kantona Goražde usvajanjem Akcionog plana iskazuje bezrezervnu opredjeljenost za efikasnu borbu protiv korupcije s jasnim ciljem - dobrobit svih građana i Kantona u cjelini, i kao dio sistema borbe protiv korupcije u Bosni i Hercegovini jasno pokazuje odlučnost u ispunjavanju dijela svojih obaveza u ovoj borbi na strateškom i operativnom nivou.

Akcioni plan Vlade Bosansko – podrinjskog kantona Goražde za borbu protiv korupcije je usklađen sa općim principima i načelima državne Strategije za borbu protiv korupcije 2015-2019., a

u kontekstu uloge koju Bosansko – podrinjski kanton Goražde ima u procesu provođenja antikorupcijskih aktivnosti. Akcionim planom predviđene su konkretne aktivnosti neophodne za realizaciju strateških ciljeva, rokovi za realizaciju, institucije nadležne za provođenje i jasni indikatori uspješnosti.

Za primjenu Akcionog plana potrebna finansijska sredstva biti će predviđena u budžetima institucija Bosansko – podrinjskog kantona Goražde nadležnim za provedbu istog.

Odlukom Vlade Bosansko – podrinjskog kantona Goražde imenovano je Tijelo za sprečavanje i borbu protiv korupcije na nivou Kantona, a isto je zaduženo za koordinaciju borbe protiv korupcije sa ostalim nadležnim institucijama u Bosni i Hercegovini, a sve u cilju osiguranja pravovremenog i efikasnog provođenja koordiniranih politika za borbu protiv korupcije u BiH.

Svjesni činjenice da efikasna borba protiv korupcije zahtijeva uključivanje šireg kruga društvenih aktera koji trebaju svi sa svog aspekta doprinijeti toj borbi, Vlada Bosansko – podrinjskog kantona Goražde Akcionim planom predvidjela je proaktivan angažman institucija sa javnim ovlaštenjima BPK-a Goražde kao i društva u cjelini, a u smislu podrške i pomoći pri realizaciji mjera predviđenih Akcionim planom. Posebno značajnim doprinosom borbi protiv korupcije Vlada BPK-a Goražde smatra aktivnije učešće organizacija civilnog društva, akademske zajednice i medija i u tom smislu biti će stvorene realne pretpostavke za njihovo proaktivno učešće u borbi protiv korupcije u BPK-u Goražde, te će biti stvoreni uslovi za ostvarivanje istinskog partnerstva na relaciji vladin-nevladin sektor u BPK-u Goraždu.

Polazeći sa ovakvih pozicija, te imajući u vidu ciljeve državne Strategije borbe protiv korupcije (2015-2019.), a to su povećanje aktivnosti postojećih institucija koje je moguće postići unutar istih, anti-korupcijskim naporima, Vlada BPK-a Goražde je odlučila donijeti Akcioni plan konkretnih aktivnosti mjera i radnji kojima će započeti proces borbe protiv korupcije u praksi. Planirajući provedbu efikasnih mjera i radnji u borbi protiv korupcije u svim državnim organima i javnim službama koje trebaju osiguravati realne pretpostavke za normalno funkcionisanje svih segmenata društva, a što će pomoći realan ekonomski rast, Vlada je odlučna da demonstrira orijentaciju prema reformama. Vlada BPK-a Goražde time želi pokazati da ne zatvara oči pred problemima, da je svjesna težine trenutka i da želi na djelu pokazati brigu i posvećenosti dobrobiti svojih građana.

2. Obuhvat Akcionog plana na području Bosansko – podrinjskog kantona Goražde

Akциони plan je izrađen korištenjem participatorne dijagnoze problema i predlaganjem mogućih rješenja. Time se, barem načelno, osiguralo da su oni koju trebaju implementirati anti-korupcijske aktivnosti konsultirani i u kreiranju ostvarivih aktivnosti. Prilikom izrade plana vodilo se računa da je u implementaciji nužna disperzija odgovornosti na sve društvene subjekte, odnosno pokušao se postići integrisani i sinegrisani pristup rješavanju problema, slijedeći se metodološkim principima savremenog strateškog planiranja - tzv. SMART principima kreiranja strateških ciljeva (specifičnost, mjerljivost, provedivost, realističnost i vremenska određenost aktivnosti), uz uvažavanje obaveza koje za BPK Goražde proizlaze iz Strategije borbe protiv korupcije (2015. - 2019.).

Promatra li se borba protiv korupcije kao i borba za bolji i kvalitetniji život građana, onda su ciljevi kojima Vlada Bosansko – podrinjskog kantona Goražde smjera ovim planom efikasnije antikorupcijske napore i viši stepen efikasnosti javnih institucija. Institucije koje su u Planu za borbu protiv korupcije pobrojane uglavnom su one na koje Vlada BPK-a Goražde ima „formalnog“

utjecaja. To, naravno, ne isključuje da se u implementaciji pojedinih aktivnosti ne očekuje saradnja sa drugim vladinim i nevladinim organima i organizacijama, neovisno o nivou vlasti.

Opći cilj koji se želi ostvariti sveobuhvatnim aktivnostima je stvaranje općeg okvira za odlučnu i sveobuhvatnu borbu protiv korupcije, što podrazumjeva utvrđivanje prioriternih oblasti za djelovanje.

Strateški ciljevi koji se žele postići provođenjem akcionog plana su:

- Uspostavljanje i jačanje institucionalnih kapaciteta i unapređenje normativnog okvira za borbu protiv korupcije
- Razvijanje, promoviranje i provođenje antikorupcijskih aktivnosti u javnom i privatnom sektoru
- Podizanje javne svijesti i promoviranje potrebe za učestvovanjem cjelokupnog društva u borbi protiv korupcije
- Uspostavljanje efikasnog mehanizma za koordinaciju borbe protiv korupcije

Borba protiv korupcije je dug i kompleksan proces u kojem nema brzih i jednostavnih rješenja. Potrebno je provoditi kontinuirane aktivnosti, zbog čega je neophodno da se u cilju nadogradnje i kontinuiteta Strategije za borbu protiv korupcije 2015-2019. i Akcionog plana za njeno provođenje nastavi sa strateškom borbom protiv korupcije, odnosno izradi Strategija za borbu protiv korupcije BPK-a Goražde, te izvrši dogradnja Akcionog plana za period 2016-2020. godine.

3. Operativni plan Vlade Bosansko – podrinjskog kantona Goražde

R.br.	Aktivnost	Rok	Institucija	Pokazatelj implementacije
SPRJEČAVANJE KORUPCIJE				
1.	Svi organi uprave i stručne službe u BPK Goraždu trebaju revidirati vlastiti plan djelovanja protiv korupcije, i to u skladu sa ciljevima i mjerama u ovom i državnom Akcionom planu za provođenje Strategije za borbu protiv korupcije (2016 – 2020.)	Dva mjeseca po usvajanju Akcionog plana za borbu protiv korupcije Vlade BPK-a Goražde	Sva ministarstva, uprave i upravne organizacije, zavodi i stručne službe	Javne institucije u BPK Goražde koje imaju donesene vlastite planove djelovanja protiv korupcije (Plan integriteta) Planovi se dostavljaju Timu za monitoring i koordinaciju provođenja Akcionog plana.
2.	Razviti kapacitete unutar javnih institucija u BPK Goražde u svrhu izvršavanja planova djelovanja protiv korupcije	Petnaest dana po usvajanju Plana za borbu protiv korupcije Vlade BPK-a Goražde	Svi organi uprave i stručne službe u BPK Goražde	Svaka javna institucija u BPK-a Goražde je nominirala barem jednu osobu (isključujući članove Tima za monitoring i koordinaciju provođenja Akcionog plana), jedna osoba koja je odgovorna za provedbu, praćenje i pregled planova djelovanja protiv korupcije, sa precizno pravno uređenim djelokrugom i ovlastima.
3.	Uvesti sistem za pregled i upravljanje rizicima unutar pojedinačnih oblasti, čime se identificiraju oblasti u kojima postoji određen rizik za korupciju.	Tri mjeseca po okončanju odnosnih aktivnosti od strane Agencije za prevenciju korupcije i koordinaciju borbe protiv korupcije	Svi organi uprave i stručne službe u BPK Goražde	Metodologija je razvijena Sistem procjene rizika od korupcije je funkcionalan.

4.	Analizirati potrebe i mogućnosti povremenog internog premještaja u okviru istog organa, u onim oblastima rada i radnim mjestima u kojima je na temelju pregleda rizika ustanovljen rizik od korupcije	Jedan mjesec po uspostavljanju sistema pregleda rizika	Svi organi uprave i stručne službe u BPK Goražde	Izvršena analiza. Uspostavljen princip rotacije osoblja na korupcijom ugroženim oblastima rada i radnim mjestima
5.	Pojačati interni (iznenadne kontrole, interni auditi, interne revizije, itd.) i eksterni (revizija, inspeksijska kontrola i sl.) nadzor u onim oblastima rada u kojima je na temelju pregleda rizika ustanovljen rizik od korupcije	Jedan mjesec po uspostavljanju sistema pregleda rizika	Svi organi uprave i stručne službe u BPK Goražde	Pojačati nadzor nad radom javnih službenika kvantitativno i kvalitativno pojačan u odnosu na period prije donošenja Akcionog plana
6.	Uspostaviti otvorene komunikacijske kanale u javnim institucijama u BPK Goražde u cilju davanja poticaja klijentima ili državnim službenicima da izvijeste o korupciji	Kontinuirano	Svi organi uprave i stručne službe u BPK Goražde	Uspostavljen jedan ili više komunikacijskih kanala za prijavu korupcije na nivou svih institucija u BPK-a Goražde, poput zapečaćenih sandučića za poštu, posebnih telefonskih linija, određene i javno oglašene e-mail adrese i sl.
7.	Modernizirati upravu kroz uvođenje modela e-vlade i e-upravljanja (posebno e-javne nabavke), kako bi se minimizirala interakcija građana i administracije, te pojednostavile interne administrativne procedure.	Kontinuirano	Svi organi uprave i stručne službe u BPK-a Goražde	Izrađeni dokumenti koji iniciraju i uređuju mjere modernizacije u upravi putem informatizacije. Modernizacija provedena u zadovoljavajućem obimu.
8.	Nastaviti sa analizom provođenja zakona o slobodi pristupa informacijama u svim javnim institucijama u BPK Goražde, te na osnovu analize, a pogotovo identifikacije slabih tačaka, ustanoviti smjernice za primjenu ovog zakona i izvršiti neophodnu obuku osoblja	Kontinuirano	Svi organi uprave i stručne službe u BPK-a Goražde	Sve javne institucije BPK-a Goražde posjeduju i analizirali su svoje procedure za slobodu pristupa informacijama. Izvještaji se godišnje izrađuju i dostavljaju Timu za monitoring i koordinaciju provođenja Akcionog plana u BPK-a Goražde i Agenciji za prevenciju korupcije i koordinaciju borbe protiv korupcije Bosne i Hercegovine. Ustanovljene smjernice za primjenu Zakona o slobodi pristupa informacijama. U svim javnim institucijama izvršena obuka osoblja koje bi trebalo raditi po ovim pitanjima.
9.	Intenzivirati rad inspeksijskih organa	Kontinuirano	Svi inspeksijski organi	Rad inspeksijskih organa kvalitativno i kvantitativno unaprijeđen u poređenju sa periodom prije donošenja ovog plana.

10.	Svi organi uprave i stručne službe u BPK Goražde trebaju razviti katalog svojih administrativnih procesa i procedura, sa naglaskom na procese u kojima učestvuju privatni pravni subjekti	Kontinuirano	Svi organi uprave i stručne službe u BPK Goražde	Katalozi administrativnih procesa i procedura za javne i privatne pravne subjekte su doneseni, tj. izmjenjeni gdje je to ocijenjeno potrebnim.
11.	Analizirati i po potrebi pojednostaviti procedure za donošenje općih propisa u svim fazama postupka (radni materijal, nacrt, prijedlog)	Šest mjeseci	Ministarstvo za pravosuđe, upravu i radne odnose, Stručna služba vlade i Ured Premijera i Vlade BPK-a Goražde	Provedene diskusije i konsultacije sa kompetentnim subjektima o formi i sadržaju procedura za donošenje propisa. Potrebne procedure donesene na nivou svih javnih institucija u BPK Goražde
12.	Analizirati potrebu donošenja propisa nižeg reda u cilju provođenja propisa višeg reda, te uskladiti već postojeće sa propisima višeg reda.	Šest mjeseci	Svi organi uprave i stručne službe u BPK Goražde	Izvršena analiza. Izvršeno kreiranje novih i usklađivanje postojećih propisa tamo gdje je to analiza pokazala nužnim
13.	Jačati značaj i poštivanje izvještaja i preporuka koje nemaju izričit nalagodavni karakter (revizora i sl.), na način da se osigurava veći stupanj obaveze postupanja po istim	Kontinuirano	Svi organi uprave i stručne službe u BPK Goražde	Analiziran normativni okvir i po potrebi inicirana njegova izmjena kojim se uređuje značaj i dejstvo izvještaja i preporuka revizora i sličnih institucija, mišljenje ombudsmena i kantonalnog pravobranioca.
14.	Ustanoviti obavezu javnog objavljivanja ugovora o javnoj nabavci za sve budžetske korisnike u BPK Goražde, kao i eventualnih naknadnih aneksa ugovora	Dva mjeseca po usvajanju Plana za borbu protiv korupcije Vlade BPK-a Goražde	Svi budžetski korisnici, javna preduzeća, javne ustanove i fondovi čiji je osnivač BPK Goražde	Uvedena praksa u svim javnim organima na nivou BPK-a Goražde u pogledu javnog objavljivanja ugovora o javnoj nabavci i eventualnih naknadnih aneksa ugovora.
15.	Inicirati/podržati donošenje zakona o lobiranju	Šest mjeseci po usvajanju Plana za borbu protiv korupcije Vlade BPK-a Goražde	Vlada BPK-a Goražde, naročito Ministarstvo za pravosuđe, upravu i radne odnose	Provedene diskusije, konsultacije i sl. sa kompetentnim subjektima, te upućeni dopisi donosiocima odluka u okviru realizacije inicijative i/ili podrške.
16.	Osigurati veću transparentnost u procesima dodjeljivanja grant i sličnih sredstava u javnim konkursima na nivou kantona.	Kontinuirano	Svi organi uprave i stručne službe u BPK Goražde	Uvedena/nastavljena praksa javnog objavljivanja rezultata konkursa. Na nivou svih ministarstava i drugih institucija vlasti uvedena praksa uvida u dokumentaciju i načina bodovanja aplikanta od strane zainteresiranih subjekata
17.	Analizirati i po potrebi reducirati slabosti (prije svega privilegiranje osoba radi stranačkog ili drugog opredjeljenja, porijekla, osobnih ili porodičnih veza) u procesima zapošljavanja, ocjenjivanja rada i napredovanja u službi.	Kontinuirano	Svi organi uprave i stručne službe u BPK Goražde u saradnji sa Timom za sprečavanje i borbu protiv korupcije.	Izvršena analiza. Slabosti na normativnom, provedbenom i/ili žalbenom nivou pomenutih procesa identificirane i poduzete aktivnosti na njihovoj redukciji

OBRAZOVANJE I ŠIRENJE SVIJEŠTI O ŠTETNOSTI KORUPCIJE

18.	Procijeniti potrebe za programima obuke za borbu protiv korupcije u osnovnim, srednjim školama i univerzitetima.	Kontinuirano	Ministarstvo za obrazovanje, mlade, nauku, kulturu i sport u saradnji sa Agencijom za prevenciju korupcije i koordinaciju borbe protiv korupcije, javni univerziteti i škole na području BPK-a Goražde	Provedena je procjena potreba za obukom za borbu protiv korupcije u osnovnim i srednjim školama i na univerzitetima. Na osnovu procjene inicirano uvođenje programa obuke za borbu protiv korupcije u osnovnim, srednjim i visokoškolskim ustanovama.
19.	Analizirati i po potrebi unaprijediti odnose s javnošću u smislu pravovremenih i kvalitetnih informacija iz domena rada javnih institucija	Kontinuirano	Služba za odnose sa javnošću Profesionalna udruženja novinara kao i pojedinačne medijske kuće	Preispitan i unaprijeđen model komunikacije sa javnošću. Svi akteri pokazuju veći stepen zadovoljstva komunikacijom javnosti sa organima vlasti
20.	Promovirati spoznaje o opasnostima koje korupcija nosi, o sredstvima za borbu protiv korupcije i sl. Izraditi promotivni materijal.	Kontinuirano	Svi organi uprave i stručne službe u BPK-a Goražde; Nevladin sektor; Vlada BPK Goražde.	Organizirana kontinuirana javna kampanja za vrijeme trajanja ovog plana o uzrocima pojavnim oblicima i posljedicama korupcije u koju su uključene sve institucije vlasti. U svim javnim institucijama postoje programi obuke za borbu protiv korupcije koji između ostalog podrazumjevaju da se godišnje održavaju barem dva predavanja o etičkom ponašanju javnih službenika
21.	Promovirati odgovorno ponašanje u javnom životu, pogotovo javnih službenika putem zagovaranja javnog interesa i domaćinskog odnosa prema institucijama u kojima se radi, normativnog uređenja etičkog ponašanja i sl.	Kontinuirano	Zakonodavni, izvršni i pravosudni organi	Kontinuirana promocija općeg dobra i interesa u javnom životu putem informativnih letaka, javnih tribina i sl. Kontinuirana edukacija javnih službenika (barem dva puta godišnje) o etičkim standardima. Procjena potrebe donošenja etičkih kodeksa i po potrebi njihovo kreiranje i stavljanje u funkciju. Povremena provjera znanja javnih službenika o etičkom ponašanju. Promoviran i vrednovan rad naročito odgovornih javnih službenika, a javno osuđen onih za koje se utvrdilo da su postupali koruptivno.

PROVEDBA ZAKONA U OBLASTI BORBE PROTIV KORUPCIJE

R.br.	Aktivnost	Rok	Institucija	Pokazatelj implementacije
22.	Edukacija nominiranih predstavnika institucija u cilju uspostavljanja Plana integriteta/pojedinačno za institucije	Decembar 2017	Svi organi uprave i stručne službe u BPK-a Goražde	Uspostavljen Plan integriteta u institucijama BPK-a Goražde javnim preduzećima i Ministarstvima Vlade BPK-a Goražde (skenirane organizacione strukture i radna mjesta podložna korupciji, jasno definisane procedure postupanja na „rizičnim“ pozicijama)
23.	U svim javnim institucijama analizirati i reducirati slabosti u otkrivanju, procesuiranju i kažnjavanju aktera korupcije	Kontinuirano	Svi organi uprave i stručne službe u BPK-a Goražde	Provedene su analize i po potrebi predložene izmjene postojećeg modusa rada. Prema potrebi ustanovljena izmjena modusa rada.
24.	Analizirati procedure koje ureduju primjenu predistražnih i istražnih radnji u krivičnom postupku, kao i učinkovitost njihove primjene, a sve u cilju efikasnijeg procesiranja koruptivnih krivičnih djela, pogotovo krupnijih slučajeva	Kontinuirano	- Vlada Kantona; - Pravosudni organi na nivou BPK-a Goražde; - Ministarstvo za unutrašnje poslove BPK-a Goražde.	Izvršena analiza primjene svih radnji otkrivanja i dokazivanja, a naročito posebnih istražnih radnji u slučajevima korupcije. Identificirane slabe tačke i po potrebi preduzete mjere na efikasnijem otkrivanju i dokazivanju (pogotovo krupnijih) slučajeva korupcije.
25.	Sagledati mogućnost efikasnije saradnje na relaciji „tužilaštvo-policija-inspekcija-sud“, mogućnost formiranja zajedničkih istražnih timova u svrhu provođenja efikasnijih istraga u KD korupcije	Jedna godina	- Vlada Kantona - Pravosudni organi na nivou BPK-a Goražde; - Ministarstvo za unutrašnje poslove BPK-a Goražde, - Kantonalna uprava za inspeksijske poslove	Konkretizovani planovi aktivnosti, na osnovu zajedničkih sastanaka, provedene istrage i procesuiranje počinitelja KD
26.	Analizirati osposobljenost pravosudnih i policijskih organa u BPK-a Goražde za borbu protiv korupcije kroz prizmu finansiranja opremanja i obuke	Tri mjeseca	- Vlada Kantona - Pravosudni organi na nivou BPK-a Goražde; - Ministarstvo za unutrašnje poslove BPK-a Goražde	Izvršena analiza osposobljenosti i po potrebi elaborirani zahtjevi za dodatno finansiranje, opremanje i osposobljavanje.
27.	Inicirati /uvesti specijalizirane obuke za službenike pravosudnih i policijskih organa uključene u borbu protiv korupcije u oblasti istraživanja korupcije i oduzimanja nelegalno stečene imovine	Šest mjeseci	- Vlada Kantona - Pravosudni organi na nivou BPK-a Goražde; - Ministarstvo za unutrašnje poslove BPK-a Goražde	Uvedeni su specijalizirani kursevi obuke za policijske službenike i službenike u pravosuđu u oblasti istraživanja korupcije i oduzimanja nelegalno stečene imovine.

4. Monitoring i koordinacija provođenja Akcionog plana

Nakon usvajanja Akcionog plana Vlade Bosansko – podrinjskog kantona Goražde za borbu protiv korupcije, Vlada BPK-a Goražde će putem već imenovanog Tijela za sprečavanje i borbu protiv korupcije pratiti implementaciju Akcionog plana.

Tijelo za sprečavanje i borbu protiv korupcije kontinuirano će provoditi sljedeće aktivnosti:

- Vršiti prikupljanje podataka o realizaciji aktivnosti iz Akcionog Plana od svih zastupljenih institucija u BPK-a Goražde;
- Vršiti objedinjavanje prikupljenih podataka, sačinjavati analize i o tome polugodišnje izvještavati Vladu BPK-a Goražde;
- Davati preporuke i smjernice za provedbu Akcionog plana;
- Vršiti koordinaciju između svih subjekata obuhvaćenih Akcionim planom kao i saradnju i koordinaciju sa APIK-om i ostalim pravnim subjektima, organima i organizacijama koje su nadležne u postupanju u oblasti borbe protiv korupcije, kao i pravosudnim organima;
- Organizovati aktivnosti u vezi sa prijavljivanjem korupcije i koruptivnih aktivnosti;
- Organizovati okrugle stolove, medijske i druge kampanje usmjerene na preveniranje i suzbijanje koruptivnih aktivnosti;
- Predlagati izmjene i dopune Akcionog plana Vladi BPK-a Goražde;
- Podnositi izvještaj o svom radu Vladi BPK-a Goražde najmanje tromjesečno u jednoj godini.

5. Materijalno tehnička sredstva i operativna podrška timu za monitoring i koordinaciju

Materijalna i tehnička podršku Tijelu za sprečavanje i borbu protiv korupcije Vlade Bosansko podrinjskog kantona Goražde obezbjedit će se u Budžetu Vlade Bosansko-podrinjskog kantona Goražde.

Finansijska sredstva za provedbu Akcionog Plana osigurat će:

- Kabinet Premijera BPK-a Goražde za aktivnosti tima za monitoring i koordinaciju;
- Svi organi i institucije u BPK-a Goražde obuhvaćeni Akcionim planom za potrebe provođenja aktivnosti u svojim institucijama.

6. Vrijeme i način izvršenja

Akциони plan za borbu protiv korupcije Vlade Bosansko – podrinjskog kantona Goražde realizovat će se kontinuirano kroz svakodnevne redovne i vanredne aktivnosti u periodu od 2016 - 2020. godine počev od **01.06.2016 godine**.

PREMIJER

Emir Oković